

陽山縣志

木

CHINESE-JAPANESE COLLECTION  
HARVARD COLLEGE LIBRARY  
FROM HARVARD-YENCHING INSTITUTE  
SEP 15 1983

2 T 3205 / 1222 . 83





碭山縣志卷之二

河渠志

黃河故道  
河溝

今黃河

哈佛大學漢和  
圖書館珍藏印

碭濱河故防河為最急凡關乎碭之河工者悉錄  
焉河溝水利之要務也况邑地卑下一雨即渰者  
乎此皆

廟堂時切焦勞為民綢繆者可不知所當務哉昔歐陽  
公修唐書一渠之開一堰之立必詳載地理志中  
卽此意也并類及之志河渠

黃河故道



在城南三十里卽元賈魯所開由虞城入境經狐父  
達村秋九十餘里下出徐州小浮橋入漕嘉靖三  
十八年河流變遷將其經行一帶淤塞北徙距縣  
二十里戎家口出徐州茶城入漕萬歷元年又自  
縣西陳孟口分殺一股遠縣護城堤邊毛城鋪周  
家口龍溝出徐州小浮橋今陳孟口漸淤每歲夏  
秋氾濫爲害隆慶五年知縣王廷卿募民作堤首  
起虞城尾屬蕭縣延袤七十餘里以障堤內六年  
仍於河北築堤起市力寨至秦溝通計四十五百

八十丈以障漕渠

萬歷年  
州志

嘉靖三十七年秋自新集至小浮橋二百餘里河皆

淤黃流直趨東北出碭山之背蕩爲大河分六道

出大小溜溝濁河胭脂溝飛雲橋凡五道俱由運

河奪四水至徐入洪其一由碭山墜城集下郭貫

樓東折以趨蕭縣復散爲五出龍溝母河京樓溝

陽尸溝湖澗溝亦從小浮橋入洪此黃河經碭之

始也

姜州  
志

今黃河



今黃河自河南虞城入徐州境其南岸為碭之喬家  
集稍北循舊隄下楊家樓至碭之北境迤東所經  
之地以遙縷隄識之為蔣家隄口七里鋪屯朱家  
店闡毛城鋪石壩壩口為洩水河身北徙去隄  
甚遠計石壩至河凡三十里此下復沿岸築縷隄  
歷丁家閣大王廟至定國寺境衝流甚急為埽工  
三百九丈越隄一千九丈挑水壩二以阻抑之乃  
自埽工屈曲而東下孫家樓入蕭縣界姜州志  
南岸洩水河三十里入毛城鋪壩南通小神湖出宿

州隄溪口

行水金鑑

大河在碭山縣北二十里為豐沛上游縣西北有堅  
城集為單縣接境之處舊築斜壩于其東以防墊  
溢又西有劉霄等口亦為河流衝要方輿紀要

署總河陳鵬年以碭山定國寺河身曲折由對岸淤  
灘奏請各挑引河掣溜保工知縣王晉挑引河長  
九百一十五丈府志

碭山舊縷隄原因傍隄取土以致隄根成河每上流  
劉霄等口漫溢直灌隄河壅激衝撞縷隄坐此不



支今棄此隄而另幫近年所築月隄又慮縷隄決  
則月隄亦危碭居豐沛上游碭隄乃豐沛外戶外  
戶失守則堂奧隨之故復仿順水壩之意於單碭  
接界處築斜長大壩一道長千餘丈使上流漫溢  
之水循壩徑歸大河不得迫縷隄以危月隄此保  
全碭豐沛一帶隄防關鍵也

河防一覽

碭邑中界黃河一道上自出東單縣界來由城柳園  
洋河集南背華觀定國寺北入蕭縣界離城二十  
餘里自康熙三十一年河院新建大小二閘

黃河原屬河南管轄自萬歷間大學士沈鯉具題改  
屬江南管轄南北岸皆有隨河堤堵水南岸隄高一  
丈二尺五寸寬六丈五尺頂寬二丈西自河南  
虞城縣界起東至蕭縣界止北岸隄高一丈二尺  
頂寬三丈底寬九丈西自山東單縣界起東至豐  
縣界止

黃河原在碭山縣南因明大學士沈鯉奏稱黃河水  
經鳳陽恐驚皇陵且入海迤遠議定將黃河自虞  
城東之黃堽壩堵塞改開新河于碭城之北兩岸



築隄現有黃河舊形在傷之鼎新集東智家集回  
龍集等處可稽也

黃河南岸上自碭山縣毛城鋪下至徐州城雖原有  
遙隄一道然近者離河五七里遠者離河二三十  
里其間地勢高窪不等每於伏秋異漲之時河水  
必從窪處出漕直灌隄根方其出漕之時挾沙而  
漫迨水落歸漕而沙留於岸是以近河灘地每爲  
淤墊較之二三十里外原舊築隄之地竟高五七  
尺或丈餘不等故直灌隄根之水不一二日而水

高於隄少窪之處漫溢成缺歲歲然也此水下注  
不特鳳徐淮屬州縣漫淹而其水全歸洪澤湖撼  
擊高家堰高堰一有不支則全淮東瀉黃躡其後  
而清口淤運河墊清水潭等工皆不可保矣是徐  
州以上碭蕭黃河南岸隄工雖與運道隔遠而實  
與運道相關甚切也

河記

徐州府黃河兩岸舊設河務同知管理修防其汛六  
南岸曰碭山汛蕭縣汛徐州郭工汛徐州小店汛  
北岸曰豐碭汛徐州大壩汛乾隆二年分設管河



豐蕭碭通判自虞城縣界起至銅山縣王家山天然閘止南北堤岸河口閘壩柳園料物工程而徐屬同知止管銅沛河務

碭山縣汛自虞城縣界起至蕭縣界止共八十里縷堤長一萬四千四百十七丈

自虞城縣界起至毛城舖止舊有縷堤長一萬五百六十丈八尺內近毛城舖石閘一段長一千五百四十丈康熙二十三年修

自毛城舖石閘起至蕭縣界止縷堤長三千八百五

十六丈康熙二十三年修築內陳家窪起至蕭縣界三千五十七丈堤工卑薄雍正元年加幫

毛城舖大石壩一座康熙十九年建小石閘一座二十四年建伏秋黃漲由此出小神湖入睢河歷靈芝孟山諸湖歸洪澤湖

康熙十七年河臣靳輔大修河道兼治上流請於碭山縣南岸建壩一座以洩豫東二省驟來之水奉

俞旨允行

二十三年修築碭山縣黃河南岸自虞城界經毛城



鋪石牖至蕭縣界縷堤長一萬四千四百十六丈八尺

二十四年河臣靳輔又請於毛城鋪等處添建閘壩奉

俞旨允行其疏畧曰徐州以上直至河南永澤縣之西河道俱寬數百丈若遇伏秋異漲漫灘而上直抵兩岸堤工其寬不下十數里迨至徐州北係山紫南岸係州城中央河道僅寬六十八丈將千支萬派浩浩無涯之水繫繫東注不能暢流既艱于下

達則自難免于上壅且足以明朝二百餘年間徐城

屢屢潰衝而徐州迤上南岸之漫溢迄今歲歲見

告也臣先于大修案內將黃河南岸碭山縣毛城

鋪創建減水石壩一座又于黃河北岸徐州大谷

山創建減水石壩一座蓋擬分洩徐城迤上之異

漲也乃今年河流異漲兩壩不足宣洩復于李道

華樓十八里屯等高阜無堤之處漫灘而行且將

碭山北岸王家堂堤工漫缺三十餘丈此徐城以

上之情形也今臣細酌善後之計在黃河南岸必



須於毛城鋪減水壩之上再造減水深底石壩一座不獨分洩異漲而石閘之水先至壩後可免建饒傷壩之虞又于徐州王家山十八里屯二處就山根開鑿減水深底石閘三座更于徐州北岸大谷山等處深鑿減水深底石壩二座統計徐城以上共添減水石閘六座平常則閉閘東流異漲則啟閘分洩每閘一座約可殺大河水勢一尺統計六閘可殺水勢六尺則徐城自免潰衝而徐城以上各堤俱在保固矣

三十三年八月建徐州南岸毛城鋪小三壩一座大石壩一座張鵬翻河防志云伏秋黃漲由此漫出小神湖康熙三十三年四十年河身漸深不過壩惟四十一年異漲水乃出壩

三十八年七月奉

上諭看圖內將歸仁堤便民壩等口俱已堵塞其毛城鋪以下各口尙未堵塞即將此處開堵閉則毛城鋪等口所出之水由何處洩去必致於散漫各處民受大害所關甚屬緊要此處宜速籌一策



是年朔築黃河南岸定國寺月隄長一千九十丈

四十三年毛城舖河淤淺重挑四十六年毛城舖河

又與天然閘河並淤連年被水總河張鵬翮飭守  
令再行挑濬河南岸蕭礪兩境水患始息

四十七年挑挖礪山縣黃河南岸吳家莊對岸丁家  
閣引河長一千三百五十三丈

五十二年建黃河南岸定國寺挑水壩長十丈上下  
雁翅各長五丈上下礪崖埽各長十丈

五十四年建礪山縣黃河南岸王家莊挑水壩長十

丈上下雁翅各長五丈并築埽臺戩隄長二百三  
十丈

五十六年定國寺險工建埽臺二百九十四丈六十  
一年於對岸開引河九百七丈五尺險工淤閉

五十九年建黃河南岸定國寺挑水壩長十丈上下  
雁翅各長八丈上水護崖埽長十丈 又建王家  
莊領水壩長十丈上下雁翅各長八丈

六十一年挑挖黃河南岸定國寺險工對岸引河長  
九百七丈五尺



雍正元年加幫黃河南岸陳家窪起至蕭縣界卑矮  
隄工長三千五十七丈 又加幫順河集埽臺長  
四百六十一丈

乾隆元年五月奉

上諭朕聞河南永城縣地方于本年四月內黃水忽發  
從江南碭邑之毛城鋪開口洶湧南下將申公堤祝  
家水口冲坍並東首古堤亦冲二缺潘家道口等集  
一帶平地水深三五尺不等雖未損傷人口而二麥  
被淹房屋亦有傾圮者朕已切諭豫省巡撫等將被

水民人加意賑恤毋令失所外查潘家道口一帶地  
方年來屢遭水患自應亟爲疏通爲又安百姓之計  
但此水下流多在江南蕭宿靈虹睢寧五河等州縣  
今若止議挑濬上源而無疏通下流之策則水無歸  
宿之區仍於河渠無所裨益著河南巡撫富德會同  
江南總督總河各委賢員會勘明確公同妥議速行  
辦理務令水害永除閭閻安堵以副朕爲民防患之  
至意欽此

乾隆元年六月奉



上諭朕聞本年四月間江南徐州府蕭縣地方因上游  
祝家水口潰決黃水漫溢以致蕭邑民田被滄南北  
約長四十餘里東西二十餘里二麥未收秋禾亦被  
滄浸窮民失業朕心深爲軫念着該督撫委員確查  
速行賑濟毋令災民失所其積水作何宣洩之處會  
同河道總督速議辦理毋得稽遲欽此

元年河臣高斌等欽奉

諭旨陳奏機宜其疏畧云查毛城舖閘內原有洪溝巴  
河二道係減洩黃水之故道因閘下地勢東北稍

高西南微下而河頭又不順勢迎溜是以水向南  
行入祝家口漫延爲患查二河年久淤墊兼河內  
舊有廢石橋十餘座塌卸河心攪遏水勢應俟水  
涸之時挑挖照舊一律深通並將河頭改挑一百  
餘丈俾減下之水順勢逆行猶恐洪巴二河不足  
容納應再于洪巴二河上首逼近毛城舖口門之  
處將舊有蔣溝崖河一道疏通分勢查此河計長  
七十餘里應估挑照舊深通仍會洪巴二河達宿  
州之徐溪口庶毛城舖減下之水有三河分道東



流足資暢洩矣但祝家口前因下游未浚不便堵  
禦今三河旣議疏通祝家口潘家口等處地勢低  
窪水性就下難免分流南注必須建築夾土大壩  
一座攔截南流其應建壩處所當丈估之時令該  
管道府等公同確勘無分江豫地界量度地勢高  
平遠近擇其彼此俱利之處定基建築務使減下  
之水涓滴不致南趨永境而碭邑地方之水亦有  
去路不致阻遏爲患俾城壩之水盡入蔣溝洪溝  
巴河三河分流下注則永城碭山一帶均無滄漫

之虞矣其三河岸旁民間自築條河子堰應從民  
便聽其修築但須離河三十丈以外遇出漕之水  
方可夾束順行不得逼近河崖致有壅溢之患

元年九月河臣高斌陳

奏河務機宜其疏畧云竊照毛城鋪閘建自前河臣  
靳輔其減洩黃漲保護要工之機宜誠治河之善  
策最要之關鍵歷今數十年來河工多慶安瀾實  
利賴之而減下之水必歸洪澤湖暢出清口會黃  
東注此亦數十年歷久循行無庸再生異議者也



祇緣閘下河道日久沙淤減下之水散漫民田沿河蕭宿靈虹等州縣每以爲患然水雖散漫仍歸洪湖並非別有去路是以議濬舊有之河道使其水由地中自毛城鋪達洪澤湖紆迴曲折六百餘里盈科後進循軌徐行並非有建甌直下之勢以至不顧洪湖異漲而貽高堰淮揚之患也其閘上機宜則因近年支河漸深分洩稍過臣已節次

奏明現在堵閉加築堤壩務使宣洩合宜必不令其洩有稍過之慮大學士稽曾筠上年冬月回任之時又經親往毛城鋪將情形查勘明確酌議築壩等項事宜具摺

奏明悉與臣現在辦理之處相同其洪澤湖出口之引河則又將最爲順利之三岔河挑濬深通使湖水暢出清口會黃注海乃爲冬春湖水微弱之時引溜禦黃之計並非爲毛城鋪減下之水致有湖不能容之慮以廣出口之路也是挑濬毛城鋪迤下河道原爲蕭宿靈虹等州縣水患計安全與上下河湖宣洩機宜全無關礙但此等情形在事工



員則人人共曉而事外之人身未親到目未親觀  
不過轉聽訛傳遂至妄陳瀆奏浮言日起至于海  
口深通黃流暢注乃萬目所共觀之河道而亦致  
多生浮議其尤可駭異者王安國奏摺乃稱欲爲  
山鹽高寶九州縣計安全安東之縣與田不得不  
廢等語夫安東縣城至雲梯關隔百有餘里雲梯  
關至今日之海口又隔百有餘里是安東縣城至  
海口尙有二百五十餘里之遙並無關礙海口之  
處王安國旣不知海口之遠近情形又不思我

皇上親安東之城社人民與高郵寶應等州縣均屬一  
體而乃爲此以隣爲壑之謬論更不可解臣奉到  
部文據晏斯盛孫濩孫王安國等連章條奏極陳  
利害行令會勘確議是以奉准部覆挑濬毛城舖  
迤下河道一案臣不得不暫行停止俟督撫會勘  
定議後再奉請

旨遵行

元年十一月工部尙書趙宏恩江南總河高斌遵  
旨會議河工事宜其疏畧曰竊照江南河道黃運湖河



石碣山縣志卷之二  
可  
可會上下千里清口乃淮黃交會之區關鍵最大海口  
為萬派朝宗之地呼吸相通而毛城鋪減壩尤為  
分黃助淮南北險工之安危攸係尤宜通籌全勢  
詳察分流遵守已驗之成規慎重因時之補救誠  
不容纖毫差謬致滋貽誤機宜並以浮議繁興上  
塵

宸衷屢頒

訓旨諭令悉心籌畫臣等伏思河防重務利害伏於幾  
微修治全憑形勢必須親歷身試真知確見庶可

斟酌幾宜若目未親覩身未親歷漫陳利害驚駭  
聽聞實河防之所最忌者也據晏斯盛王安國夏  
之芳等奏稱海口日塞亟宜疏浚查海口為黃淮  
入海之咽喉必得通暢無阻方能赴壑朝宗今黃  
淮二瀆合流自清口起至入海之口計程三百餘  
里地勢漸低水流迅急探量中泓水深一丈三四  
尺至二丈五六尺不等水面寬一百餘丈至六百  
七百不等其近海十餘里之河面逐漸寬濶水深  
一丈四五尺至海口約寬五六里此春初水勢枯



落桃汛未至時勘明通暢之情形也其海口南北兩岸有尖沙二道口外對面約遠三十餘里更有橫沙一道約長十餘里考之明臣潘季馴河防一覽所載無異海水一日兩潮潮長之時逆河進口小汛數十里大汛百餘里潮退之時河水隨之迅流直下通暢無阻口門朝向東北形勢環拱京師此乃天成地設通暢順利之海口實無庸議濬者也且海口逼近大洋風濤噴薄人無駐足之所旣非撈淺可以濟事又無築壩斷流得以興工之理

卽王安國摺內亦止能言海口之宜濬而極陳疏濬之難究未能指明實可施行之善法也至晏斯盛奏請開安東左右鹽河入海之路並廟灣之北作壩深濬則又悖謬之論蓋河不兩行勢分卽淤上游河道當盛漲之時迫於危險必應相機減洩至下游則斷無另開一口之理也再清口會黃東注入海資洪澤湖蓄洩得宜其尾閘之山盱天然南北二壩非遇異漲斷不輕開俾全湖之水蓄聚有力暢出清口至冬春湖水微弱每遇東北大風



則黃水灌入應籌抵禦之策查欽奉

諭旨萬賑于工案內開挑七道引河之三汊河原約估銀三萬餘兩今議再加寬深續估增銀約一萬餘兩俾水道通利雖遇洄寒水微之候亦得引溜暢出抵禦黃流但清口固宜暢流而亦不可過洩蓋暢流方可全力禦黃過洩則傷全湖元氣應於霜降水落之後將清口西壩接長一二十丈以資收蓄至伏秋清水盛長將清口東壩酌量開寬一二十丈則清黃足以相抵而蓄洩俱爲得宜矣至礪

山縣毛城鋪減水壩原因徐州一帶兩岸山勢夾東河流不能下注徐城逼處河濱上壅下溢屢屢爲患是以前河臣靳於康熙十七年

題明建減水壩分洩黃漲保護徐州城社民生以及黃河上下兩岸險工其減下之水使歸洪湖以助清刷黃原疏備載可考歷今六十年上下河道民生均受其益况減下之水紆迴曲折經由六百餘里中間有靈璧縣之楊疇等五湖爲之滯蓄一入湖邊卽已澄清從無挾沙入洪湖之患亦無洪湖



石山縣志 卷之二  
不能容納之虞所以歷久循行並無異議祇因壩下舊有河道年久淤阻減下之水散漫民田沿河永碭蕭宿靈虹睢宿等州縣每以為患上年四月黃水驟長致淹永城等處欽奉

諭旨疏濬下游河道亟為又安之計是以欽遵議浚舊河使水有歸宿不致散漫為患實永碭蕭宿等州縣民田籌畫安全之計也查毛城舖近年以來口門外日漸刷深支河十餘道分洩過多臣高斌節次

奏明現將上游迎溜支河全行堵閉惟留離壩外三十餘里旁流之郭家口支河一道與下游倒勾水之定國寺支河一道相機分洩不令過多其口門原寬一百二十丈舊制兩邊石砌裹頭今於口門中間堆築亂石玲瓏滾壩俾無冲深奪溜之虞查毛城舖歷久受病上游則在支河過多下游則在河道淤阻今來流既已節減去路自應疏通若停止挑濬則沿河民田水患仍不能免應俟今冬明春水涸之時勘明本年淤淺情形另行確估具



題興工辦理其夏之芳等所奏毛城舖引河尤於清口海口果否通塞毛城舖引河俱萬不可開等語並未親身目覩而爲浮言所惑不過偏隅之私見實未深悉全河現在之情形均毋庸置議

二年四月奉

上諭朕前因蕭永等處屢遭水患應作何辦理爲乂安百姓之計令該督撫總河等勘明妥議嗣據該督撫等奏請疏浚毛城舖迤下一帶河道經徐蕭睢宿靈虹等州縣下至泗州之安河陡門紆迴曲折六百餘

里以達于洪澤湖復出清口仍與黃會已經該部議行隨據淮揚京員夏之芳等連名陳奏以爲未便朕以該員等生長淮揚所奏毛城舖引河不便開通之處果有所見亦未可定此事關係重大是以復降諭旨令總河會同該督撫悉心籌畫不可固執已見亦不可曲徇人言務期于運道民生萬全無弊今據高斌趙宏恩來京呈河圖面奏情形乃知夏之芳等所奏俱非現在情形據夏之芳等稱毛城舖引河一開則高堰可危淮揚運道民生可慮今據高斌等奏



稱毛城舖減水壩原因徐州一帶兩岸山勢夾束河水屢屢為患是以前河臣靳輔于康熙十七年題明建設減下之水使歸洪湖以助清刷黃六十年來上下河道民生均受其益等語是現今毛城舖浚河乃因毛城舖壩以下舊有之河身淤阻量加挑浚使水有所歸並非開鑿毛城舖之壩也乃夏之芳等妄行添入開毛城舖之一語遂使朕亦不能無疑曾屢次批示高斌不可固執已見而大臣遂亦不能定此案淮揚百姓因夏之芳等倡議于京遂浮論百出而莫

可止遏今據高斌趙宏恩來京奏稱乃舊有之水並非昔無而今始開通况減下之水紆迴曲折六百餘里經楊疇等五湖為之停蓄一入湖邊即已澄清從無挾沙入洪湖之患亦無洪湖不能容納之虞又豈至如夏之芳等所言危高堰而妨淮揚之民生運道乎朕披閱河圖毛城舖口門外近年以來刷深支河十餘道前經高斌奏明現將毛城舖上游洩黃近溜支河全行堵閉惟留旁流之郭家口支河一道與下游倒勾水之定國寺支河一道相繼分洩不令過多



則將來毛城舖所洩之水較之從前尙爲減去大半  
豈從前多洩之水不爲淮揚之害而此後少洩之水  
轉爲淮揚之患乎况今高斌等議于毛城舖口門中  
間築亂石滾壩俾無冲深奪溜之慮則引河之水勢  
自不至奔過迅疾從來洪湖之水蓄以濟運制黃水  
少則淮弱黃強水多則高堰可慮數年以來湖水微  
弱黃水每至倒灌入運今清口現議疏浚寬深則清  
水暢流無阻正慮清水暢洩有傷全湖元氣今益以  
毛城舖洩下之水則足以助制黃而清水不患其弱

毛城舖一堤

示鑿發帑金修築堅固足爲淮揚保障而天然一壩又  
經總理事務王大臣會同九卿定議非遇異漲不得  
輕開則淮揚州縣之水患自由此可免此現今毛城  
舖引河之應行開浚情形也朕令高斌趙宏恩公同  
總理事務王大臣與夏之芳悉心講論而夏之芳等  
身未親歷其地徒以惑于浮言復固執偏見及王大臣  
臣等畧與辯論卽多遁詞其原無定見可知矣今日



忽據御史甄之璜鍾衡抗疏陳奏甄之璜奏稱毛城鋪開河淮揚百萬之衆憂慮惶恐因致直隸地方雨澤愆期等語夫淮揚與直隸相隔數千里直隸之亢旱與毛城鋪引河何涉而乃爲此支離誕妄之語鍾衡條奏二摺皆係毫無裨益之事將毛城鋪一案牽引入尤屬巧詐河防重務必須明白指陳尤須詳晰斟酌固不可偏執已見又豈可曲徇人言從前邵基晏斯盛等所奏尚不過狃于衆論拘于識見而畢誼之奏亦止論衆議紛紜原未指陳可否今甄之璜

鍾衡並未親歷河干確知河務且非淮揚本籍乃毅然奏請停止明係受人指使爲先入之言挾黨營私豈爲公論從來地方重務每妄生議論動有阻撓乃明季相沿之陋習此風斷不可長甄之璜鍾衡着革職交部嚴審定擬具奏夏之芳等旣以冒昧之識阻撓河務于前又以巧詐之私希冀掩過于後此並非尋常奏對不實者比着交部嚴察議奏毛城鋪一案斷自朕見事屬應行着照九卿原議令總督慶復會同高斌確估定議具奏並將現在辦理情形有利無



傷山縣志 卷之二  
三  
害之處曉諭淮揚士民知之欽此

二年四月河臣高斌請修築要工添設河員奉

諭旨允行其疏畧云江南碭山縣黃河南岸毛城鋪減水壩原係宣洩盛漲保護上下河道民生爲南工第一緊要關鍵除毛城鋪下游河道應行疏濬事宜欽遵

諭旨俟今冬水涸之時會同督臣確估定議具

奏外所有毛城鋪上游應堵臨黃各支河應幫縷水各堤應做毛城鋪開口石上草壩防風並應濬定

國寺等處支河以及北岸石林口坡河各工前經

臣于上年

奏明親往察勘相度形勢斟酌修築機宜遴委河營叅將朱永凡督同廳營官弁乘時次第辦理續經大學士嵇璜于上年冬月回浙之時又親往查看指示修防并增修堤壩事宜具摺

奏明與臣斟酌辦理之處俱各相符行據淮徐道呂維炳詳稱毛城鋪迤上臨黃各道支河因近年搜刷日深分洩過多應將大河形內東西支河順堤



總滙之處并迤裡張家莊總滙支河以及張家口  
王家集等處支河俱各築壩堵閉又毛城舖上游  
段家莊褚家堤口等處支河俱各建築橫壩將舊  
有河形間段格截外鑲防風俾漫灘之水不致掣  
溜成河祇留離壩外三十餘里之郭家口支河一  
道與下游倒勾水入河之定國寺支河一道隨時  
相機分洩盛漲又定國寺支河形勢稍阜量加開  
寬使黃水挽流而上曲折以達毛城舖攔河土壩  
估挑南北支河既資旁洩之益又無直注之慮

毛城舖口門舊制兩邊石砌裹頭中寬一百二十  
丈歷經年久日漸刷深應採運石堤堆築亂石玲  
瓏滾壩於滾壩東西裹頭鑲做防風以資保障其  
築壩須用石料若赴山採運需費繁多今查就近  
有舊時坍塌石閘一座拆移濟用其辦石工價搬  
運車脚俱可節省又毛城舖壩口外圈築大越壩  
一道攔截黃水內外鑲做防風仍應俟汛長之時  
相機酌放操縱在人庶節宣有制但查毛城舖減  
壩較之舊制倍加周密將來洩水自少而黃河之



內汎水長發盈漕溢岸所有毛城舖迤上至虞城縣交界止臨河縷水大堤均須擇緊加築一律崇墉高厚以資捍禦又碭山縣北岸石林口向係分洩黃水之區近因北灘漸高遂致湮塞亟應開挑坡河照前分洩盛漲引水入微山湖以濟漕運查前項築做石土草壩并挑河帮堤各工據實節省共估需用銀五萬八千一百六兩二錢九分五釐二毫五絲俱緊要工程難容遲悞相應詳請題估發帑興修等情前來隨照例先行動支河庫銀

兩給發該廳并河營叅將朱永凡乘時次第儻築完竣以禦汎水除將需用工料銀兩據實確估另冊送部查核再查徐屬同知所管黃河兩岸堤埝工程南自河南虞城縣交界起下至靈壁縣交界止計二百五十餘里北自山東單縣交界起下至睢寧縣交界止計程二百七十餘里分設六汎地遠工長每當汎長之時工程險要往來奔馳實有鞭長莫及之虞且徐州迤上接壤豫省乃江南黃河門戶南岸則有毛城舖北岸則有石林口俱係



蓄洩關鍵甚屬緊要尤須專員就近相機經理臣  
 悉心籌畫應於徐州王家山以上添設通判一員  
 駐劄碭山縣地方專管黃河南北兩岸工程上自  
 交界起下至王家山止其汛內徐家莊等處埽壩  
 險工以及毛城舖石林口王家山等處啟閉蓄洩  
 機宜并修守毛城舖新築各壩工程俱令該通判  
 經管以專責成其王家山以下至邳睢交界止南  
 北兩岸汛內埽壩險工仍專責徐屬同知經管修  
 防其文武汛員俱照舊管理無庸添設所有原設  
 銅蕭碭黃河南岸河營守備應請改為豐蕭碭河  
 營守備與新設通判協同修守原設銅豐碭黃河  
 北岸河營守備請改為銅山河營守備與徐屬同  
 知協同修守如此則上下緊要工程均得專心料  
 理不致有顧此失彼之虞矣

二年七月河臣高斌

奏明毛城舖迤上南北兩岸工程完竣北自大堤起  
 南至三岔河尾止長一千九百九十九丈

三年三月修築毛城舖迤裏三岔河口攔截南流夾



三土大壩一道挑浚洪溝河一道上自毛城舖起下至宿州徐溪口止間段挑浚并切灘共河長七千六百二十六丈五尺

四年五月大學士伯鄂爾泰詳勘毛城舖一帶洩黃引河出水壩口事宜其疏畧曰黃河渾漲每患其多湖水清流每患其少乘其盛滿之時導以歸宿之地俾洩渾漲之有餘以濟清流之不足此實酌盈劑虛補偏救弊權有用於無用化無用爲有用之良法前河臣靳輔審量地勢知河溜南趨漫水

爲患見碭山之毛城舖去黃河不遠因石砌裏頭大壩口門寬一百二十丈會漫灘之水順流而下經灰谷堆過五湖周遭數百里澄清而入洪澤以助清刷黃又於蕭縣之王家山開天然閘一座口門寬三丈二尺分減徐州以上黃漲之水又於睢寧之峯山依山鑿石開閘四座口門共寬十二丈八尺零專減邳州界以上黃漲之水其所以導入洪湖用以助清刷黃者意與毛城舖畧同然峯山王家山地勢本高毛城舖地勢窪下年深日久黃



河冲刷漫口支河太多而下游河道淤塞水無去路以致南北遙堤三十里皆成巨浸民鮮粒食而隣近郡邑亦因以被患是以河臣高斌將官莊楊家樓褚家馬路等處迎溜逼堤之各支河盡行堵塞僅留旁流之郭家口河一道倒勾水之定國寺一道同入毛城鋪於毛城鋪舊壩口門內另作草壩口門寬三十六丈堆填亂石二尺許稍作關攔其下游舊淤之河道如洪溝徐溪口燕子口謝家溝各處俱行挑浚以防阻滯又築三岔河壩使各

趨洪溝而毛城等處不憂漫溢此皆因時就事不得不變通之道也今臣周詳相度復加參酌現在河身北徙去毛城鋪不下三十里較前形勢又有不同若祇有引河二道用減黃漲恐南注之水過少助清之力益微且或值盛漲無地爲容轉成散漫則一隅墊溺之害竊恐復見又不得不預籌隨與河臣熟商除已經堵塞之官莊等引河俱係迎溜逼堤久將爲患不宜復開外擬於郭家口之西增挑引河一道長二千八十二丈河頭北接黃河



石山縣志 卷之二  
灘岸南穿子堰工尾仍會入郭家口河再於郭家口之東增挑引河一道長七百六十丈河頭起清水套內河尾亦會入郭家口河就子堰作壩門每歲麥收後即便開放至黃河之水既已出槽惟宜導之速往壩口三十六丈似覺太窄亂石填二尺許終不如無應將草壩亂石悉行平撤仍復新輔舊規其王家山之天然開城水無多引河一道現在深通峯山四圍地身甚高非異漲不能減且由引河下六十里卽入孟山湖路近易淤得失相半

此一處開祇可備用應照常料理惟毛城舖迤下之引河匯流五湖始達洪澤周折紆緩最易停沙燕子口謝家溝雖已疏濬安流近湖尤關切要似應挑濬深通以資灌注

二十二年八月欽奉

上諭毛城舖爲濰河之上游欲濰河之無淤墊計惟有堅閉毛城舖苟非盛漲不得開放萬不得已如今歲之自行漫溢卽當於斷流之後將黃水淤沙盡力挑濬若稍一因循則今年淤一尺明年卽淤二尺河身



墊高節節阻碍年復一年其淤更甚故逐年挑濬深  
通最爲要務欽此

二十三年築蔣家營大壩北起接築壩尾長四百  
六十丈傅家窪攔河土壩長三十六丈汪張寨以  
下王家莊土壩長三十丈并兩頭接長一百二十  
丈又迤北溝槽土壩長十二丈又蔣家營南壩尾  
河形土壩長二十丈竇家寨支河口門土壩長三  
十五丈榮家壩土壩二道共長六百六十六丈于  
五月十八日領 帑興工于六月十八日完工

二十三年七月豐碭通判劉世楨領 帑銀築毛  
城鋪碎石壩一道長五十丈鉗口壩竇家寨月堤  
長一百一十三丈加幫民埝長二百丈九月十一  
日開工十月二十七日完工

二十三年十月豐碭通判劉世楨詳請以蔣家營  
大壩于九月內溜走南岸將該壩西頭陸續塌去  
五丈九尺水串支河惟存向裏二壩雖有防風僅  
高二尺餘寸又壩身甚爲卑薄今一面動料加廂  
防風一面墊項幫築裏戩茲復審勢度形而該工



地方低窪實爲臨黃要區查頭壩現又塌去丈餘前後共塌去七丈有餘若祇二壩獨撐恐凌汛在即猝難防禦必須添築三壩以作重門內護大有裨益又傅家窪頭壩塌卸相距二壩一百二十七丈已于二壩之前督令兵目搶築土壩以資穩固于二十四年三月領帑興工于四月完竣二十三年二月督撫總河會摺遵

百議奏事宜奉

諭旨允行其疏畧云查毛城鋪最關緊要而蔣營等處

其外衛也蒙我

皇上時加指示前後奉到

硃批精詳諄切臣等敬謹遵循復查毛城鋪現在請築口門東西石裹頭一百二十丈口門之北鐵石壩寬七十八丈中間溝槽俱逐年冲刷過深口門之南鉗口壩舊有亂石壩亦復淤塞是以蔣家營等處已經漫溢則黃流直注毛城鋪口門之內全無限隔濰河以下諸處遂成巨浸今舊水全涸新水未生應乘此時亟行辦理臣等公同會商擬于毛



城舖口門東西兩裹頭之間將冲深溝槽用亂石填平上加亂石壩一座俾于石裹頭兩邊相接高以三尺爲度其口門以南舊有之亂石壩應行修復亦於鉗口壩兩頭相接高以二尺爲度黃河兩汛之水苟非異漲其蔣家營傅家窪各引河俱應旨不得開放設遇盛漲之年不得已而暫爲開放或自行漫灘則毛城舖溝槽旣填復有亂石壩以爲禦禦不致復行冲制其進入口門以爲進者又有在門之障則節宜有度斷不致有虞四道皆宜修築之患自此可以大減矣上年奉

旨堵築之處頭壩二壩現俱厚實但頭壩孤懸灘上應接築子堰一道傅家窪舊倒勾河業經堵築而溝槽迎溜上壩單薄宜量加培補榮家壩新築橫壩二道亦覺單薄應行加築與民堰相連則沿河一帶民田亦均有防衛又上年新挑之倒勾引河二道形勢灣緩深合倒勾之義無庸改作合併聲明二十七年四月奉

上諭徐州迤西之毛城舖石壩向遇黃流盛漲隨時啟



放宣洩第司事者經理或未協宜旣恐分減水勢難以併力刷沙且過水太多有妨民田廬舍前巡時籌度指示令河臣等慎重封閉毋得擅啟比年以來中泓刷深現至九尺三寸成效已著銅沛各屬生計亦均改觀第念水束流深自屬經常不易之法其一時偶值暴漲不無漫灘出槽積久遂成淤墊議者欲以北岸新壩改建石壩以資減洩不知有洩則必有淤其爲微湖荆橋等處之患尤不可不爲深慮今回鑿取道再行規畫與督撫總河諸臣悉心講求自蔣家

營傅家窪等形勢當如常堅閉外惟毛城舖迤東之唐家灣向有倒勾引河可以酌量分洩然不詳定水志工員無所遵守應遵洪澤湖開放清口現定之規於唐家灣引河亦視徐城水志水長一丈一尺無庸開放若長至一丈一尺五寸以上再將引河開放俟漫灘水落卽行堵閉仍令該督撫河臣于按志應放時一面奏聞一面辦理清口並照此例行其灘河爲唐家灣下游如遇減水稍淤隨宜相機挑濬俾引河減出之水無致壅滯欽此



二十七年六月河臣高晉爲奏定毛城鋪水志事  
宜奉

硃批此是好機會知道了欽此其疏云切查豐碭廳屬  
毛城鋪原設碎石滾壩爲宣洩黃河異漲之水啟  
閉機宜最關緊要本年四月內恭逢

聖駕南巡回

鑾臨幸徐州

閱視北門外志椿水勢仰蒙

皇上睿謨廣運因時制宜欽奉

諭旨毛城鋪迤東之唐家灣向有倒勾引河可以酌量  
分洩然不詳定水志工員無所遵守應遵洪澤湖開  
放清口之規于唐家灣開放引河亦俟徐城水志長  
至一丈一尺毋庸開放若長至一丈一尺五寸以上  
再將引河開放俟漫灘水落卽行堵閉仍令督撫河  
臣于按志應放時一面奏聞一面辦理欽此欽遵臣  
于四月十五日跪送

聖駕後卽親到毛城鋪預行料理並經委員駐宿唐家  
灣地方會同廳營察看水勢長落隨時稟報仍飭



銅沛廳一體遵照在案茲據銅沛廳稟稱黃河水勢自六月十五日起長至十八日徐城水志陸續共長至一丈二尺現在飛移豐碭廳查勘漫灘水勢開放唐家灣草壩旋據豐碭稟報十八日接銅沛廳知會徐城水誌已長至一丈一尺五寸以上查勘唐家灣一帶漫灘水深六七寸及一尺八九寸不等遵將唐家灣草壩開放水歸引河量深二尺一二寸流入毛城舖碎石壩根水深一尺四五寸水由碎石縫滲過深五六寸下注洪溝河以達

淮河壩脊高出水面一尺二三寸並未過水碭汛水誌至二十日寅時陸續消水三尺二寸而唐家灣一帶漫灘之水隨亦消落引河業已斷流等情并據委員各稟報前來臣查此次徐城水誌長至一丈二尺唐家灣一帶漫灘水深僅有六七寸及一尺八九寸不等迨開放草壩導入引河水抵壩根深只一尺四五寸毛城舖壩脊並未過水由壩身滲出之水亦屬有限蓋因黃河來水雖驟而消退甚速又緣本年洪澤湖水勢較小下游各廳河



道深通水有容納是以暢達歸海頗稱迅速今唐家灣漫灘之水消落引河已經斷流臣隨飛飭准徐河道李定率同豐碭廳營將唐家灣草壩卽行堵閉臣亦現赴該廳查勘並將上游一切工程乘此水落督飭各廳及時修整以防秋汛所有徐城水誌長至一丈二尺開放唐家灣引河毛城鋪壩脊並未過水卽將草壩堵閉緣由理合會同兩江總督臣尹江蘇巡撫臣陳合詞恭摺奏

聞

河溝

河溝關邑水利非若舊志諸河僅存其名而已特附黃河之後見舊志者仍列山川志不重見

減水河卽老黃河自縣西北接豫省虞城界起南由楊家集經碭境歸虞城境復從豫省夏邑縣之楊子河入碭境周家庄由范家集張家屯至回龍集入永城界歸蕭境濰河達洪澤湖乾隆二十三年領

帑四千六百九十兩二錢二分知縣金潢挑濬二千



八百九十五丈零

洪溝河坐落縣之東南自毛城鋪石壩起入蕭縣境  
歸濰河達洪澤湖如遇黃水異漲依徐城水誌開  
放唐家壩由倒勾河以達洪溝河減洩黃水乾隆  
三年挑浚丈尺見黃河志

利民河在縣西北自虞城界汪家窪起至減水河匯  
口止長二萬二千五百一十六丈零由減水河歸  
濰河達洪澤湖乾隆二十二年領

帑一萬八千一十六兩八錢三分知縣金潢挑濬

老黃河卽減水河在縣南自豫省夏邑縣涌子河起

至永城界減水河止計長二千八百九十五丈水

由蕭境歸濰河達洪澤湖乾隆二十三年領 帑

銀四千六百九十兩二錢二分知縣金潢挑濬

文家河在縣東自馬家莊前坑塘起至孟家河止計

長四千五百二十丈又順堤河亦在縣東自周家

莊起至蕭縣黃家壩止計長三千九百三十三丈

水並由蕭境歐邵河達濰河歸洪澤湖乾隆二十

三年領 帑銀五千二百四十一兩八錢八分知



縣金潢挑濬

華家坡河在縣河北自本境華家坡起至豐縣清水河止計長五千四百二十七丈河水入豐縣清水河乾隆二十三年領帑銀二千二百八錢五分知縣金潢挑濬

戚家閣木橋在縣西二十里利民河乾隆二十三年

官修

通濟支河南石橋在北關外乾隆二十三年官修

太平石橋在東關外乾隆二十三年官修

李授璽捐銀三千兩知縣鄔承顯領

帑三千九百五十一兩七錢二分挑濬

戚家閣石橋坐落利民河在縣西二十里乾隆二十

三年官修

通濟石橋坐落利民河在北關外乾隆二十三年官

修

太平石橋坐落利民河在東關外乾隆二十三年官

修

陳家橋在東關外舊城湖乾隆三十三年官修



右四橋皆因河而設不併入橋梁類者重水利也

東鄉馮家水口會通溝長一千三百二十丈水歸洪溝河工尾東子埧經豫江兩省會勘設有涵洞闢板以防黃水

東鄉朱家店仁育田溝長八百丈水歸利民河

南鄉馮家窪義和田溝長五千四百丈水歸永定河

西鄉戚家窪義興田溝長五千四百丈水歸永定河

西鄉丁家窪承恩田溝長三千二百丈水歸利民河

西鄉段家窪溝又永睦溝長一千一百丈水歸利民河

### 民河

西鄉彭家窪廣濟田溝長七百丈水歸老黃河

西鄉劉家坡義民田溝長一千一百丈水歸利民河

北鄉陳家窪永濟田溝長二千二百丈水歸豐縣孫

### 家樓溝

以上溝渠十道乾隆二十三年二十四年二十

五年陸續開濬

東鄉王家樓田溝長一千三百二十丈水歸毛城鋪

乾隆二十八年開濬



洪溝河兩岸子埝至蕭縣界止西埝計長三百八十

六丈東埝計長五百一十七丈乾隆二十三年額

帑銀一千五百七十兩四錢五分知縣金漢承

修

東關外至曹家集路溝一道長十五里水入順堤河

曹家堤口至汪家集路溝二道長二十里水入倒勾

河

汪家集至蕭縣界路溝二道長十五里水入蕭境

東關至毛城舖路溝二道長三十里水入毛城舖

胡村口至蕭境路溝二道長十五里水入蕭縣路溝

東關至回龍集路溝二道長四十五里水入老黃河

南關至范家屯路溝二道長三十里水入老黃河

西關至小汪家集路溝二道長十八里水入永定河

西關至楊柳集路溝二道長三十二里水入老黃河

西關至謝家集虞城界路溝二道長二十里水入老

黃河

北關至趙家堤口路溝二道長十里水入順堤河

北關至榮家堤口路溝二道長八里水入順堤河



北關至黃家堤口路溝二道長十里水入順堤河

北鄉孟家堤口至北鎮集路溝二道長十二里水入

華家坡河

北鄉喬家堤口至豐境路溝二道長十六里水入豐

境清水河

北鄉盤龍集至豐境路溝二道長四里水入豐境

以上路溝三十二道乾隆二十三年至二十六

年陸續開濬

挑

附河營職官

豐蕭礪河營 康熙十七年設徐屬河營雍正六年分

銅山蕭礪河務乾隆二  
年改為豐蕭礪河營

守備一員 駐劄徐州府北門外

千總一員 駐蕭縣順河集專管田家樓順河集徐家莊工程

把總二員 一駐礪山縣定國寺專管毛城舖工程  
一駐礪山縣盤龍集專管黃村石林口

工程

椿戰兵八十八名守兵三百五十五名官坐馬十

匹大柳船七隻歲需俸薪餉乾米折連閭共銀七



千七百三十九兩九錢三分有奇

...

...

...

...

...

...

...

...

湯家河溝在縣南十八里南鐘集自湯家窪起至馬

家溝洞入利民河達老黃河長二千三百六十丈

乾隆三十二年縣令劉... 開濬



陽山縣志卷之三

建置志

公署  
里社

城池  
坊表

隄防  
橋梁

兵衛  
舖遞

國家分設郡縣而建置興城池者郡縣之屏藩也  
有城池而隄防隨之矣然非公署則無布政之所  
其何能國故先之公署立而後有倉廩有學校有  
兵衛有祠祀次第舉之莫或廢焉若夫社以居民  
坊以表里集以通貨財橋以濟津渡郵筒以達政  
事而建置之事備矣學校祠祀另為一編者事煩  
不敢殺也志建置



公署 附倉廩

碭自秦置郡縣後其聽訟之所遠不可稽稽之  
自明始然水患頻仍遷徙亦靡定矣後之居是  
宅者試取是編觀之知經始之不易時加葺焉  
不亦善乎

舊縣治 在今治東市中直懷保門唐宋以來悉治此  
金興定間北於河遷虞山南保安鎮元至元  
間復還舊治元季燬於兵洪武三年知縣邵俊傑  
復建二十五年水災樂三年知縣郝地重建成化  
五年知縣張夢輔改正德七年復燬於兵十年  
知縣劉守恒重建嘉靖四十四年復燬於兵十年  
小神集四十四年知縣崔元吉復還舊治隆慶六  
年知縣王廷之卿增修萬歷二十六年復燬於河知

縣應祥  
改運今治

今縣治 明知縣縣應祥建  
在新城十計七進

大門 五間 儀門 七間 大堂 五間 二堂 五間 三堂 三間

四堂 三間 宅樓 三間 戒諭樓 在儀門內中道

福神祠 在大門內東 東西六房 在儀門內

皂隸房 在凡臺前 官廩 在大堂東

禁獄 在儀門內西

主簿署 在縣治東今圯

典史署 在縣治西



教諭署 訓導署 俱在明倫堂後明知

預備倉 在治內主簿宅前明知縣熊應祥建今地

社 俱在洋溝 一在崇教坊一在大彭社一在趙九社

常平倉 在縣儀門內西明知縣朱之揚建

義倉 社會 俱明萬歷間知縣陳秉良建

養濟院 在縣治西明知縣熊應祥建

育嬰堂 在縣治東俱見萬歷州志

演武廳 舊在城南隅明知縣熊應祥改建西郊占地二十畝

附錄

察院 舊在縣治南明隆慶間知縣熊應祥遷儒學東

醫學 在縣治大門左 陰陽學 在縣治大門左

譙樓 即燕喜臺元延祐三年知縣杜郁因臺址為樓泰定四年知縣孟直復修後廢

鐘樓 鼓樓 俱明永樂三年知縣郝圮建

小公館 在西門內

毛城舖公館 在毛城舖明知縣朱之揚建久廢

西鎮店公館 在西鎮店朱之揚建久廢以上見州志



城池

王公設險以守國計久安耳卽孟子策滕曰鑿  
曰築外非所及焉兩者固保障斯民之要務也  
况碭衝河流數圮數遷者乎避淪胥之患收禦  
寇之功景慕前軌則有熊宋二公之偉績在

碭在秦漢時爲郡國其城最久金興定間罹水患城  
始堙遷邑虞山保安鎮今爲永城縣境其地石刻  
碭山縣三大字及儒學櫺星門石柱猶存元至元  
時還舊地卽今治尙未建城明正德八年知縣李

金創築土城高九尺五寸週圍一百六十八丈墜  
深一丈爲門五外護以隄周九里有奇後以河患  
稍圯嘉靖中副使王樅令重修植柳其上二十六  
年知縣王紹元請增築重植柳以爲障嘉靖四十  
一年河決陷沒城隄僅存遺址隆慶間知縣王廷  
卿重創築城高加至一丈八尺基廣三丈建五門  
東曰從龍西曰崇德北曰仰高南門左曰永賴右  
曰懷保其西水門在懷保門西東水門在永賴門  
東以洩城中注潦隄及郭廓亦大加增築高濶倍



昔萬歷二十六年秋又爲水沒基址亦蕩然無存  
知縣熊應祥改遷舊城西里餘秦家堂築土城甃  
堞高一丈五尺基廣三丈周八百四十丈二尺建  
門四各有樓東曰景雲西曰瑞洛南曰永保北曰  
企寧門外各留馬道三丈內亦各留馬道南二丈  
東西北各一丈五尺隍深一丈廣五丈永保門東  
西皆有水門洩城中積滂礪城取田字形四門正  
對至二十八年工始竣自是始有規模計占民地  
一項九十七畝零將原存入官之地照數補民爲

業厥後又歲遭霖雨城多圯知縣朱之揚陳秉良  
相繼修築未幾又圯四十八年知縣蔡一熊以官  
民廢地申請變價得十之一改建甃城修四門樓  
更換雲諸名築羊馬墻於城下濠廣濠於城外鑿  
井十二眼於城內崇正十二年知縣劉芳復加修  
濬城隍益高廣至

國朝康熙三十七年知縣柴爾皓鄉紳汪潤又捐金修

葺郭志

隄防

此隄防屬黃河者見  
河渠志茲不重載

建置志

城池



隄防之設所以禦水災也碭濱大河其籍以捍衛者尤重是以城建而隄亦建焉當縣令熊應祥草創方完洪濤突至浸繞匝月而城卒賴以無虞者非隄防之力與

護城隄高一丈二尺濶四丈週圍一千二百一十四丈仍植楊柳千株以爲外護所占民地一頃一十七畝七分八釐七毫蔣原入官地照數補民爲業邑北數里許新築縷水隄一道西至虞城界歷碭至蕭縣界止黃河北崖舊縷水隄一道西至單縣

界歷碭至豐縣界止新築順水大壩一道以防隄之害其占民地俱除差以上三隄一壩縣令陳秉良尤加意民瘼嚴設守護更廣植楊柳凡有缺仆時爲增補務俾土堅樹蕃上供漕運枝柳之需下捍河伯衝決之患保障之功百世永賴之矣

兵衛

前志失載兵衛今錄其可考者于後其分防河工者仍見河防志

國家誕敷文教享太平之福久矣何事於兵衛哉然書稱克詰易戒不虞誠慎之也且嚴查保甲以弭盜源尤守土者之要務焉



**明**

崇正六年置碭營守備在碭山縣趙家圈初設把總尋改

守備統中軍掌號左哨右哨五百名府志

按嘉靖舊志衛兵之外別有民壯碭山縣一百

七十六人初正統間以天下衛兵耗弱令各州

縣籍民為兵守禦其土皆以十年更編諸邑乃

據初籍為定子孫世役之雖流亡亦不得去其

籍至為里甲累民恒苦之嘉靖中副使王挺議

如他郡例編易之仍著為令天啟崇正間豐沛

碭諸邑各團練鄉兵皆因有事暫設非經制也

府志

**國朝**

順治三年經制碭山營改為漕標蕭營守備一員

千總一員把總二員額設兵丁五百名駐劄蕭

營

順治七年奉

旨裁汰千總一員把總一員兵丁三百名

順治十八年畫地分兵在於蕭營額設官兵內派



撥把總一員馬步兵丁六十名駐劄碭山縣嵩  
防城池門禁倉庫禁獄各鄉村集鎮地方護送  
往來擯鞫軍流逃盜諸差使

康熙十一年奉

總督部院麻因蕭碭地廣兵單題請江陰營  
馬步戰守兵丁撥歸蕭營一百四十一名內分  
撥馬步戰守兵丁二十名添防碭山縣

康熙三十年以後嵩防碭山縣馬步兵丁八十名  
內陸續奉行裁除二十名至雍正七年改歸河

標管轄

把總一員每年俸薪銀三十六兩

馬戰兵二名每名每年餉銀二十四兩共銀四

十八兩

步戰兵五名每名每年餉銀十八兩共銀九十

兩

步守兵五十三名每名每年餉銀十二兩共銀

六百三十六兩

把總自備馬二匹每匹每年乾銀十二兩六錢



共銀二十五兩二錢

兵戰馬二匹每匹每年乾銀十二兩六錢共銀

二十五兩二錢

馬步戰守兵丁六十名每名每年米三石六斗

共米二百一十六石 木折各半春冬二季

每名折色銀一兩三錢五分共銀八十一兩

夏秋二季每名本色米一石八斗共米一百

零八石

以上俸餉乾折每年共銀九百四十一兩四錢

俱由本營都司在於徐州府庫支領共米一

百零八石俱由本營都司在於淮安府庫支

領

附錄墩堡

碭邑舊無墩堡西鎮集回龍集楊家集北鎮集汪

家集謝家集每處汛兵二名防守俱借民房廟宇

居處



里社 附店集

戶盡絃歌人皆耕鑿熙熙乎太平衢巷也克勤克儉以保以安則和風化日長徧閭閻矣

崇坊四

崇教坊

庸信坊

居仁坊

興化坊

社二十一

東張社

陳村社

渠城社

趙九社

原奉社

柳莊社

大彭社

青台社

浮溝社

子乾社

雙溝社

段莊社

蒲蘆社

使莊社

封池社

馬昂社

忠義社

興禮社

保安社

務本社

重安社



右城社編戶二十五里

店二

西鎮店 在縣東五十里舊有公館

王達店 在縣西三十五里

集二十六 市集興廢不常今據現在者書之舊志所錄不復見也

東禮河集 在縣東二里

汪家集 在縣東四十里

翟家樓集 在縣東二里

朱家店集 卽趙九集在縣東二十五里

回龍集 在縣東南三十五里

劉湯集 在縣東十八里

大成集 在縣東三十里

寶家寨集 在縣東十二里

周家集 在縣東四十五里

鳳鳴集 在縣東四十七里

丁家集 在縣東二十二里

南鎮集 在縣南二十里

西戚家集 在縣西南十五里

謝家集 在縣西三十里

吳家集 在縣西十八里

楊柳集 卽鼎新集在縣西三十里

黃家集 在縣西二十五里

民便集 在縣西十五里

北順應集 在縣北五十里

范家集 在縣北四十里

寶家集 在縣北二十五里

市力賽集 在縣北三十二里

孫家集 在縣北四十里

福慶集 在縣北三十里

北鎮集 卽馬良集在縣北四十里

全家集 在縣北二十里



坊表

建坊自元朝始今失考惟從明撫入雖廢猶存者示勸焉

**明**

崇教坊

在舊縣東見嘉靖州志今廢

庸信坊

在舊縣西見嘉靖州志今廢

進士坊

在舊縣東洪武四年為倪鼎立今廢

柱史坊

在舊治南洪武十九年為監察御史朱安立今廢

進士坊

在舊縣東門外永樂十六年為姚益立今廢

登科坊

在舊城正德二年為舉人王懌立今廢

進士坊

在舊城正德三年為李穩立今廢

彩鳳坊

在舊城為御史李穩立今廢

鴻臚坊

在舊城正德間為鴻臚寺署丞劉濬立今廢

錦衣坊

在舊城為錦衣衛百戶武振立今廢

貞烈坊

在舊城北郊外為烈女王守仲未娶妻程氏立

貞烈坊

在舊城為烈婦謝文煥妻程氏立

貞節坊

在舊城北門內為節婦許璟妻劉氏立

貞烈坊

在治西城隍廟南為劉崇基妻李氏立



貞烈坊 在西關外為烈婦  
張文燁妻汪氏立

國朝

旌孝坊 在毛城舖北為  
孝子王世耀立

烈女坊 在西關外為徐禹  
治女魏典聘妻立

烈女坊 在定國寺東為戴  
允謙聘妻杜氏立

貞節坊 在河北龐家莊為監生龐  
猶龍妻臧氏妾郝氏立

貞節坊 為朱魁妻  
陳氏立

貞節坊 在東門內為汪  
釗妻曹氏立

貞節坊 在北門內為庠生  
黃瑞璋妻汪氏立

貞節坊 在學宮前為王  
廷璋妻吳氏立

貞節坊 在學宮東為貢生  
汪在洲妻張氏立

貞節坊 在城西二里許為  
紀鼎耀妻汪氏立

貞節坊 在河北為張維  
則妻李氏立

貞節坊 在忠義社為徐  
鑰妻吳氏立

貞節坊 為徐法輅妻賈氏立法輅即  
鑰子乾隆二十九年同建

貞節坊 在忠義社為李  
濟舟妻徐氏立

貞烈坊 在南門外為劉  
大倫妻錢氏立

貞烈坊 在青台里為趙  
富初妻宋氏立



節孝坊 在封池里為庠生王之彬妻李氏立

橋梁

四郊平衍絕少津渡故橋梁亦稀

輦濟橋 在縣東門外明天啟二年知縣張兆璋環新

路崇正十二年知縣劉芳改造稍遠僅存其一名輦濟

狐父橋 在縣南三十五里明永樂間知縣周宗昕建史記曹參破秦軍取碭狐父即此地

夏家橋 在縣東三十里

五主舖橋 在縣東三十五里

雙節橋 在縣南六里永定溝橋西北八步墓全器妻連氏東南四十八步墓馮學舜妻葛氏故名

劉姑橋 在縣東南二十里許紀家窪劉姑不嫁以養其父母父母死墓窪側姑日夕涉水省墓鄉



人憐之  
為造橋

舖遞

置郵傳命固上下咽喉也所係豈細故哉驛遞  
之外復設舖遞郵政之法良矣

舊設馬二匹夫一名差夫五名久裁

府志

縣舖司兵共十一名總舖在縣治大門內東路有張

家井舖鄭家樓舖毛城舖柴市舖西鎮舖達蕭縣

趙家圈舖

舊志縣東有七里舖趙九舖縣北有十里舖濁河  
舖張清舖並久廢 舊州志云陽邑舖止設達蕭

縣一路其北路豐縣西路河南永城縣雖係接壤  
實無額設舖兵傳遞公文凡有公移皆由蕭縣入  
本州總舖一分沛縣達豐縣  
一分宿州達河南永城縣



石埭縣志卷之四

學校志

學宮

祀崇

位次

儀節

樂器

舞譜

禮器考

樂器考

舞器考

書籍

學田

書院附社學

學校至我

朝大備矣褒崇之典上追五代以至禮儀樂舞歷代

帝王所未備者悉舉行之諸生欲習禮于其間將

舍是奚適哉故一切名物器數較他志為獨詳以

昭

聖朝右文之至治且使濱河僻壤有志斯文者知所觀



感焉志學校

學宮

**唐**

貞觀四年建儒學於城西北隅萬歷年州志

**宋**

元祐間邑人王惠捐貲遷學於城東北隅漢高皇廟

右萬歷年陳志

**金**

大定間水浸學地縣令杜之美同進士邵師古重新

之江南通志

**元**

元貞中縣尹蔣恕修州志

大德中縣尹楊泰移建於漢高祖廟故址江南通志

天歷至元間縣尹孟直崔旭前後修建州志

**明**

永樂四年知縣郝玘重建江南通志

宣德間知縣劉伯吉修州志

正統五年知縣杜釗增修江南通志



成化五年知縣張夢輔主簿張文憲相繼增修安成

劉球博野劉吉為之記陳志

嘉靖五年知縣季木鑿泮池重修櫺星門州志

二十一年知縣劉陽重建廟泊門廡益拓大之安福

王學益為記州志

四十一年河決城學宮盡壞江南通志

隆慶元年知縣戴偉修葺州志

五年知縣王廷卿復大修葺以青龍方偏隘易民地

二畝有奇移建儒林門又依城為卓筆臺取文峰

以兆科第中為先師廟東西列兩廡前為戟門

神厨神庫宰牲房並東西列戟門前為泮橋左前

為啟聖祠後為名宦祠右為鄉賢祠又前為櫺星

門櫺星門東為學大門即儒林門由大門入儀門

旋西即廟後為明倫堂東西列二齋左曰博文右曰約禮

倫堂後為振文堂振文堂後為敬一箴亭敬一箴

亭後為射圃西為教諭訓導宅凡二所附以饌堂

學倉號舍州志

萬歷間知縣吳尙誠以其地滂下又遷西華池北府志



萬歷二十七年己亥大水城陷學圮陳志以上在舊城今廢

三十六年知縣熊應祥改遷今址學中文廟東西兩

廡前戟門左名宦祠右鄉賢祠前泮池前櫺星門

啟聖祠在文廟左更衣亭在戟門左廟後為明倫

堂堂東為魁星樓堂後為教官宅草荆粗具未久

圮府志

天啟七年知縣李春鯨教諭葉孝友孔時可訓導賀

日章共新之府志

崇正五年知縣姚來瑄益加修建府志

九年知縣宋坤補建祠齋廡牆府志

**國朝**

順治九年

**命**禮部頒卧碑於天下學宮碑曰

朝廷建立學校選取生員免其丁糧厚以廩膳設學院

學官以教之各衙門官以禮相待全要養成賢才

以供

朝廷之用諸生皆當上報

國恩下立人品所有教條開列於後



一生員之家父母賢智者子當受教父母愚魯或有  
非爲者子旣讀書明理再三懇告使父母不陷於  
危亡

一生員立志當學爲忠臣清官書史所載忠清事蹟  
務須互相講究凡利國害民之事更宜留心

一生員居心忠厚正直讀書方有實用出仕必作良  
吏若心術邪刻讀書必無成就爲官必取禍患行  
害人之事者往往自殺其身常宜思省

一生員不可干求官長結交勢要希圖進身若果心  
善德全上天知之必加以福

一生員當愛身忍性凡有司官衙門不可輕入卽有  
切已之事止許家人代告不許干與他人詞訟他  
人亦不許牽連生員作証

一爲學當尊敬先生若講說皆須誠心聽受如有未  
明從容再問毋妄行辯難爲師長者亦當盡心教  
訓勿致怠惰

一軍民一切利病不許生員上書陳言如有一言建  
白以違



制論黜革治罪

一生員不許糾黨多人立盟結社把持官府武斷鄉

曲所作文字不許妄行刊刻違者聽提調官治罪

順治十四年知縣會為展教諭蕪淵訓導金逢瑞鄉

官馮知已等捐修府志

康熙六年歲貢生陳鼎新重修大成殿郭志

二十一年歲貢生陳鼎新重修正殿兩廡增廣名

宦鄉賢二祠易橋星門以石府志

四十三年

御製平定朔漢告成太學碑恭建碑亭在學

四十六年教諭吳鼎位墓郭志大成殿簷牆及戟門

郭志

五十年教諭吳鼎位墓鑿泮池郭志

五十八年訓導孔衍祺設兩廡木主郭志

六十一年知縣王晉重修府志

雍正三年

御製平定青海告成太學碑恭建碑亭在學

雍正十二年知縣馬汝寬教諭張景祁訓導曹廷襄



重修明倫堂府志

乾隆二年知縣陸國樞重修大成殿及兩廡諸

祠宇府志

乾隆十七年知縣李應槐以學宮外照壁改為大成

門新

乾隆二十年

御製平定金川告成太學碑恭建碑亭在學

乾隆二十五年知縣劉臻修泮池及甬道新

乾隆二十九年

御製平定準噶爾告成太學碑恭建碑亭在學

乾隆三十年

御製定回部告成太學碑恭建碑亭在學

乾隆三十二年知縣劉王瓊修大成殿及照壁圍

牆東西角門泮池新

生貢額數附

廩生二十名廩膳銀詳見賦役存留項下

增生二十名

歲考入文章童十六名



科考入交童十六名

歲科併入武童十二名

貢生有四曰恩拔副鄉試中歲歲貢二年一人恩

貢遇

單恩一行拔貢康熙間開行雍正元年定為六年一考

拔乾隆七年定為十二年一拔

名宦祠在學宮東

鄉賢祠在學宮西

忠義祠在學宮外

褒崇

順治十四年謚稱

至聖先師孔子

康熙二十三年恭懸

聖祖仁皇帝御書萬世師表匾額於大成殿

二十九年以河南巡撫閻興邦題設樂舞生六十

四人備樂器祭器禮部議頒闕里儀制

三十三年恭奉

聖祖仁皇帝御製孔子贊四子贊勒碑學宮



四十九年春秋二丁武職與祭

五十三年以宋儒范仲淹從祀

五十四年遷東廡朱子熹配享十哲之次

雍正元年學宮內建忠義孝弟祠詳祠祀志

二年附饗廟庭諸賢復祀者六人增祀者二十人

入崇聖祠者一人

復祀為林放蘧瑗秦丹顏何鄭康成范甯增祀

為縣直牧皮樂克公都子萬章公孫丑諸葛亮

尹焞魏了翁黃幹陳淳何基王柏趙復金履祥

許謙陳澹羅欽順蔡清陸隴其入崇聖祠為張

廸

三年以春秋二仲月上丁日用太牢致祭每朔望

郡縣長以下詣學行香頒加增祭品祭器圖冊

又恭懸

世宗憲皇帝御書生民未有匾額於大成殿又追封

先師五代王爵改啟聖祠為崇聖祠王爵見位次

乾隆二年復祀元儒吳澄

三年遷東廡有子若配享十哲之位又恭懸



今上皇帝御書與天地參匾額於大成殿

佾數

唐樂用宮懸舞用六佾明初用六佾成化十三年增為八佾嘉靖九年仍為六佾

國朝康熙二十六年用六佾樂生二十四人舞生三十六人歌工四人二十八年復用八佾

位次

正殿

至聖先師孔子

東配西向

復聖顏子 名回字子淵魯人

述聖子思子 名伋字子思伯魚子

西配東向

宗聖曾子 名參字子輿魯人

亞聖孟子 名軻字子輿鄒人

東哲西向

閔子 名損字子騫魯人

冉子 名雍字仲弓魯人

位次

禮記卷之四

學校志



端木子 名賜字子貢 衛人

卜子 名商字子夏 衛人

西哲東向

冉子 名耕字伯牛 魯人

冉子 名求字子有 魯人

顓孫子 名師字子張 陳人

東廡 先賢三十九人 先儒二十三人

蘧瑗 字伯玉 衛人

原憲 字子思 魯人

仲子 名由字子路 衛人

宥子 名若字子若 魯人

宰子 名子字子我 魯人

言子 名偃字子游 吳人

朱子 名熹字元晦 婺源人 諡文公

澹臺滅明 字子羽 魯人

南宮适 字子容 魯人

商 瞿 字子木 魯人

司馬耕 字伯牛 宋人

冉 孺 字子魯 魯人

冉 季 字子產 魯人

漆雕哆 字子斂 魯人

任不齊 字子選 楚人

公肩定 字子仲 晉人

罕父黑 字子索 魯人

左人郢 字子行 魯人

漆雕開 字子若 魯人

梁 鱣 字子魚 齊人

伯 虔 字子析 魯人

漆雕徒父 字子有 魯人

公西赤 字子華 魯人

公良孺 字子正 陳人

鄭 單 字子家 衛人

榮 旂 字子旂 魯人

鄭 國 字子徒 魯人



原 亢 字子杭 魯人

廉 潔 字子庸 魯人

叔仲會 字子期 魯人

公西與 如 字子尚 魯人

邾 翼 字子斂 魯人

陳 亢 字子禽 陳人

琴 張 一名牢字 子開衛人

步叔乘 字子車 齊人

秦 非 字子之 魯人

顏 噲 字子聲 魯人

顏 何 字冉 魯人

縣 曾

樂正克

萬 章

周敦頤 字茂叔道州人 諡元公

程 顥 字伯淳河南人 諡純公

邵 雍 字堯夫河南人 諡康節

穀梁赤 字元始 魯人

伏 勝 字子賤 濟南人

后 蒼 字近君東海人

董仲舒 字寬夫 廣川人

杜子春 字時元河南緱氏人

范 甯 字武子 鄆陵人

韓 愈 字退之鄆州人 諡文公

范仲淹 字希文吳縣人 諡文正

胡 瑗 字翼之海陵人 諡文昭

胡安國 字康侯崇安人 諡文定

羅從彥 字仲素南劍人 諡文質

朱 熹 康熙五十年 陞附十哲

張 拭 字敬夫綿竹人 諡宣公

蔡 沈 字仲默建陽人 諡文正

真德秀 字希元蒲城人 諡文忠

何 基 字子泰 金華人

趙 復 字仁甫 德安人

許 衡 字仲平河內人 諡文正

吳 澄 字幼清 臨川人



陳 浩 字可大 南康人

胡居仁 字叔心 餘干人

西廡 先賢三十八人 先儒二十三人

林 放 魯人

公冶長 字子長 魯人

高 柴 字子羔 齊人

商 澤 字子秀 魯人

顏 辛 字子柳 魯人

公孫龍 字子石 楚人

陳獻章 字公甫 新會人

羅欽順 字允昇 泰和人

宓不齊 字子賤 魯人

公皙哀 字季沉 齊人

樊 須 字子遲 魯人

巫馬施 字子期 陳人

曹 卹 字子循 蔡人

秦 商 字子丕 魯人

顏 高 字子驥 魯人

石作蜀 字子明 秦人

后 處 字子里 齊人

顏 祖 字子襄 魯人

秦 祖 字子南 秦人

公祖句茲 字子之 魯人

樂 欬 字子聲 秦人

孔 忠 字子蔑 夫子 兄伯皮之子

顏之樸 字子叔 魯人

壤駟赤 字子從 秦人

公夏首 字子乘 魯人

奚容蒧 字子替 魯人

句井疆 字子疆 衛人

縣 成 字子祺 魯人

燕 伋 字子思 魯人

狄 黑 字皙之 衛人

公西蒧 字子尚 魯人

施之常 字子常 魯人



申 棖 字子周 魯人

左邱明 魯人

秦 冉 字開 蔡人

牧 皮

公都子

公孫丑

張 載 字子厚 郟縣人 諡明公

程 頤 字正叔 河南人 諡正公

公羊高 齊人

孔安國 字子國 夫子十一世孫

毛 萇 趙人

高堂生 字伯漢 魯人

鄭康成 高密人

諸葛亮 字孔明 瑯琊人

王 通 字仲淹 龍門人

歐陽修 字永叔 廬陵人 諡文忠

司馬光 字君實 夏縣人 諡文正

楊 時 字中立 將樂人

尹 焯 字彥明 洛陽人

李 侗 字原中 延平人 諡文靖

呂祖謙 字伯恭 金華人 諡文亮

陸九淵 字子靜 金谿人 諡文安

黃 幹 字直卿 閩人

陳 淳 字安卿 龍溪人

魏了翁 字華甫 邛州人

王 栢 字魯齋 金華人

金履祥 字吉夫 蘭陵人

許 謙 字白雲 金華人

薛 瑄 字德溫 河津人 諡文清

蔡 清 字介夫 晉江人

王守仁 字伯安 餘姚人 諡文成

陸隴其 字稼書 平湖人 諡清獻

崇聖祠舊名啟聖祠祀啟聖公雍正元年奉

旨追封孔子五代為王改今祠主皆南向



肇聖王木金父

裕聖王祈父

詒聖王防叔

昌聖王伯夏

啟聖王叔梁紇

東配

先賢顏氏無繇

先賢孔氏鯉

西配

先賢曾氏點

先賢孟氏激

東廡

先儒周氏輔成

先儒程氏珦

先儒蔡氏元定

西廡

先儒張氏廸

先儒朱氏松

儀節

先期承祭官分獻官陪祭官齊赴堦下行一跪三

叩頭禮一節學師滌器視牲一節瘞毛血一節至

期黎明各官衣朝衣及各執事俱公服序立一節

盥洗一節就位一節各官行三跪九叩頭禮一節

初獻樂奏寧平之章詣



至聖位前獻帛獻爵讀祝各跪叩一節詣 四配十二  
哲及兩廡位前獻帛獻爵各跪叩一節復詣

至聖位前亞獻樂奏安平之章獻爵跪叩一節三獻樂  
奏景平之章獻爵跪叩一節飲福受胙跪叩一節  
謝福胙跪叩一節各官復行三跪九叩頭禮一節  
徹饌樂奏咸平之章跪叩一節送神樂奏咸平之  
章跪叩一節望燎樂奏咸平之章一節

祭品

正殿

帛一 白色 牛一 羊一 豕一

登一 釧二 簋二 簋二

籩十 豆十 酒罇一 白磁爵三

四配

帛四 白色 豕一 羊一 釧一

簋二 籩二 籩八 豆八

酒罇一 白磁爵三

十哲東六位

帛一 白色 豕一 釧各一 簋各一



簋各一 邊各四 豆各四 豕首一

白磁爵三

十哲西六位 與東六位同

東廡六十二位

帛一 白色 豕三 每案簋一

簋一 邊四 豆四 銅爵各一

西廡六十一位 與東廡同

崇聖祠

正位 五案

帛五 白色 羊一 豕一 銅一

簋一 簋一 邊八 豆八

酒樽一 白磁爵三

配位 每位一案

帛二 白色 豕首一 簋一 簋一

邊四 豆四 豕肉一 每位銅爵三

東廡西廡

帛二 白色 簋一 簋一 邊四

豆四 豕肉一 每位銅爵三



禮節同正殿惟不用樂

祭品以下皆同

香 燭 酒實于 羊 豕

鹿實于 帛實于 大羹實于 和羹實于 黍

稷實于 稻 粱實于 形鹽 稭魚

棗 栗 榛 菱 芡

鹿脯實于 韭菹 菁菹 芹菹 笋菹

醯醢 芡醢 魚醢 脾析

豚胎實于

樂章

乾隆四年新 頒樂章

迎神樂咸平之章

大哉

孔子先覺先知與天地參萬世之師祥徵麟紱韻答金

絲日月既揭乾坤清夷

初獻樂寧平之章

予懷明德玉振金聲生民未有展也大成俎豆于

古春秋上丁清酒既載其香始升



亞獻樂安平之章

式禮莫衍升堂再獻饗協鼗鏞誠孚曷獻肅肅雍  
雍譽髦斯彥禮陶樂淑相觀而善

終獻樂景平之章

自古在昔先民有作皮弁祭菜於論思樂惟天牖  
民惟聖時若彛倫攸叙至今木鐸

撤饌樂咸平之章

先師有言祭則受福四海饗宮疇敢不肅禮成告徹毋  
疏世瀆樂所自生中原有菽

送神樂咸平之章

鳧釋我我洙泗洋洋景行行止流澤無疆聿昭祀  
事祀事孔明化我蒸民育我膠庠

舊樂章附

迎神樂咸平之章 無舞

大哉

至尺林聖上仲道四太德上仲尊尺林崇上仲維工南持尺林王上仲化四太斯

尺林民上仲是合黃宗四太典合黃祀四太有上仲常尺林精工南純尺林

並四太隆上仲神六黃其工南來尺林格上仲於尺林昭上仲聖合黃容



四太

初獻樂寧平之章 有舞

自四太生上仲民尺林來上仲誰四太底合黃其上仲盛四太惟工南師

尺林神上明四度合黃越上仲前上仲聖四太粢上仲帛四太具上仲

成尺林禮合黃容四太斯尺林稱上仲黍四太稷工南非六黃馨尺林維

上南神尺林之上仲聽四太

亞獻樂安平之章 有舞

大四太哉上仲聖合黃師四太實工南天尺林生上仲德四太作上仲樂

四太以上仲崇尺林時上仲祀四太無尺林數上仲清六黃醑工南惟上仲

馨上仲嘉尺林牲上仲孔合黃碩四太薦四太羞工南神六黃明尺林庶

工南幾尺林昭上仲格四太

三獻樂景平之章 有舞

百上仲王工南宗尺林師上仲生尺林民上仲物四太軌合黃瞻六黃之

工南洋尺林洋上仲神上林其上仲寧四太止合黃酌四太彼合黃金尺林

羸上仲惟上南清尺林且四太旨上仲登上仲獻四太惟尺林三上仲於

黃六嘻工南成尺林禮上仲

徹饌樂咸平之章 無舞

犧上仲象四太在上仲前尺林豆四太邊上仲在合黃列四太以四太享



南以尺薦上既上芬尺既四太潔上禮合黃成四太樂上  
 備太人南和尺神上悅四太祭合則四受上仲福尺率  
 黃遵工南無尺越上仲  
 合

送神樂咸平之章望燎同

有太巖南學尺宮上四合黃方四太來上仲崇四太恪黃恭  
 南祀尺事上仲威南儀尺雖上雖四歆上茲尺惟南  
 馨尺神上馭四太還尺復上明六禮工南斯尺畢上仲咸  
 南鷹尺百上仲福四  
 工

舞譜

初獻

自稍前向外

生踊向裏

民朝上手蹲

來起辭身向外

誰兩兩相對蹲

底朝上手蹲

其正揖

盛起平身出

惟兩兩相對自下

師稍前舞舉

神中班轉身東西相向立惟兩中

明舉翟三

度稍前向外



越 蹈向裏 垂手舞 前 向前合手謙退 步雙手合籥

聖 回身再謙退步側身 桑 正蹲 朝上

帛 稍舞躬身挽手側身向 外呈籥耳邊面朝上

具 正揖 成 起辭身挽手 復舉籥正立

禮 兩兩相對交籥兩 容 正揖

斯 籥向外退挽手舉 稱 回身 正立

黍 稍前 稷 正蹲 朝上

非 左右垂手兩班上下 馨 起合手 相向立

惟 左右側身垂手 神 右側身垂手 向裏垂手舞

之 正揖 朝上 聽 躬而受之躬身朝上拱 籥而受之三鼓畢起

亞獻

大 左右進步向 哉 右向裏 垂手舞

聖 向外落籥 師 退向正 身立

實 正蹲 天 起身向前 轉向外舞

生 向裏 德 合手謙進步向前 雙手合籥蹲謙

作 西兩相對自下而上 樂 上下俱垂手惟兩中 班 兩班相舉籥東西 身東西 相向

以 轉身東西 相向立 崇 相向立兩班上 下以翟相籥



時 稍前舞蹈兩班上

祀 向裏垂手舞

無 合手謙進步向外

斲 回身再謙兩班上下東西相向合籥立

清 稍前舞向外

酤 向裏舞

惟 雙手平執籥

馨 合籥翟朝上正立

嘉 側身垂左手兩班

牲 躬身正揖

孔 雙手舞籥

頤 躬而受之一鼓而朝上

薦 一叩頭舉

羞 舉左手叩頭

神 復舉右手叩頭

明 拜一鼓畢即起躬身三鼓平身

庶 三舞蹈舉籥

幾 舉籥向躬身舞

昭 舉籥復向

格 拱籥躬身而受之

三獻

百 向外開籥舞

王 向裏開籥舞

宗 側身向外

師 朝上正立

生 兩班上下兩

民 合手朝上正蹲

物 側身向裏落籥

軌 合籥朝上正立

瞻 向外開籥舞

之 向裏開籥舞

洋 開籥朝上正立

洋 籥

神 向裏開籥舞

其 向裏開籥舞



寧 進步向前

酌 向外開

金 開籥朝

惟 向外垂

且 朝上

登 躬身向左

惟 躬身復向

於 側身向外

成 朝上

止 回身東西

彼 向裏開

曷 合籥朝

清 向裏垂

音 躬身而

獻 躬身向

三 合籥朝上拜

嘻 側身向裏

禮 躬身朝南受之

禮器考 計數六十

簠 皆盛黍稷之器有虞氏曰敦夏曰琫商曰璫周曰簠簠方簠曰簠簠方簠曰簠

豆 邊豆古今皆竹製惟豆製不同夏楬豆殷玉豆周甒豆又魯玉豆雕簠爾雅以木周禮以

瓦考古圖以銅製各不同郊特牲鼎俎奇而邊豆偶陰陽之義也邊豆之實水土之品也

雲雷尊 紐以螭首腹畫雲

象尊 取形乎象範金爲之穴背受

犧尊 犧牛形範金爲之穴背受酒

大尊 有虞氏之泰尊瓦尊也貴本尚質



壺尊 其尊作壺形脰飾

山尊 夏后氏之尊也郭璞云形似壺受五斗刻畫為山雲狀

著尊 明堂位商酌曰著著地而無足也

鬯洗 皆所以盥也臨事而盥致肅恭之意

勺 夏龍勺殷疏勺周蒲勺今刻首為龍夏制也

鼎 鑪也用以焚香

爵 明堂位夏以琖商以斝周以爵爾雅鐘小者為棧棧卑而淺故棧象棧而爵象雀而斝有耳焉

坩 以置爵亦承尊陸氏曰古者爵有承盤坩與豐是也施於燕射曰曲曲字從豆為豐年之豐似豆而卑木製漆亦中畫雲氣

登 似豆而高大用薦大羹

銅用薦和羹

俎 明堂位周以房俎鄭注房足下跗也魯頌邊豆大房箋玉飾俎也兩端赤中央黑

籩 竹為之古用籩不一以奠爵以承食膳以置玉帛具載禮記今單以承帛

牲盤 毛血碟 饌盤 供案 几

花瓶 香合 燭臺 燭檠 盥盆

類架 龍纂 供尊案 祝版 獻尊案

福爵 胙盤 鬯洗案 帨巾 巾笥

燔爐 彝 筭 茅沙池 執爐

提爐 高照燈 弔燈 庭燎 路燈



燎又 瘞鍬 齋牌 戒牌 誓牌

宿牌 班位牌 昭穆牌 拜席

樂器考

鐘一堵磬一堵琴六瑟三鳳簫篴埙搏拊應鼓  
各二簫四笙六笛六祝一敔一樂生五十八人  
舞生三十六人執旌二人凡八十八人俱堂上  
之樂其叙則麾生二人立神位左西向次左祝  
右敔次左右搏拊各東西對立次琴六人左者  
以次而東右者以次而西俱北向立次左右瑟  
各一次左右笙簫笙在內簫在外次左右篴埙  
鳳簫及笛亦以次而東西北向立於笙簫之後  
次鐘不磬又次  
楹鼓居其左焉

金部

金鐘也世本云垂所造周禮編鐘編磬凡十六枚  
謂之堵起八首倍而設之鐘一堵磬一堵謂之  
肆其縣橫者曰筦  
筦縱者曰簾

石部

編磬 磬之為物堅實不動其卦則乾其時則秋冬  
之交其方西北之維其風不周其聲尚角其  
音則辨立  
冬之氣也

絲部

琴 琴六皆  
七絃

瑟 瑟三古瑟五十絃黃帝命素女鼓之其聲哀故  
破二十五絃長七尺首濶一尺一寸九分面兩  
頭各有小孔  
疏通以繫絃



竹部

簫 截竹為之繫以紅絨絲

鳳簫 世本曰舜造編竹為之其形參差象鳳之翼其音六律六呂象鳳雌黃之聲故以鳳簫名也

箎 箎二以竹為之長一尺四寸圍五寸三分一孔上出五孔向外一孔向內一孔在末節共八孔

笛 笛六用斷紫竹為之長尺四寸七孔

管 截竹為之為十二孔以應十二月之音

匏部

笙 用紫竹為之十有八管而列於匏中管中各施以簧管端參差如鳥翼吹匏之端則鼓其簧而

發聲

土部

埙 以紙筋為之布漆創金雲彩圍五寸半長三寸四分上尖底平如稱錘差大如鴉子高三寸四

孔分六

革部

楹鼓 身高六尺六寸設重斗中植一柱上貫方蓋繚以絲詹瑾巛

應鼓 革之為器去故意也為羣音首其卦坎其方北其時冬其風廣莫其律黃鐘其聲一其音

謹冬至之氣也

鼗鼓 制如小鼓有柄有耳兩手持而搖之以應鼓節樂



搏拊鼓

形如鼓而長中實以糠以或搏或拊故名

木部

祝

以桑木為之上二尺四寸下半之深一尺八寸中虛有底以上擊之柄長一尺有四以梓木為之

敵

狀如伏虎背上有二十七鬣刻用竹長二尺四寸破為十莖其名曰籥櫟其背以止樂

舞器考

旌

節簇紅纓為之長七尺貫以紅絨絳下綴以結竿長八尺五寸朱漆上安塗金銅龍首口啣寶蓋下垂紅纓

籥

古用韋籥今制以竹為之長一尺二寸三竅木餘爾雅大籥謂之產其中謂之仲其小謂之箛

頒發書籍

十三經

乾隆二年 頒發

易經

書經

詩經

周禮

儀禮

爾雅

孝經

論語

孟子

春秋左傳

公羊傳

穀梁傳

禮記



廿二史 乾隆三年八年 頒發

史記 漢司馬遷 前漢書 漢班固 後漢書 劉宋范

三國志 晉陳壽 晉書 唐太宗 宋書 梁沈約

南齊書 梁蕭子顯 梁書 唐姚思廉 陳書 唐姚思廉

魏書 北齊魏收 北齊書 唐李百藥 周書 唐令狐德棻

南史 唐李延壽 北史 唐李延壽 隋書 唐魏徵

唐書 宋歐陽修 五代史 宋歐陽修 宋史 元脫脫等

遼史 元脫脫等 金史 元脫脫等 元史 明宋濂

明史 國朝張廷玉等修

欽定周易折衷 書經傳說 詩經傳說

孝經 小學 春秋傳說

康熙字典 朱子全書 性理精義

四書講義 改刻四書 明資治綱目

欽頒日知薈說 乾隆四年 頒發

御製樂善堂文集 乾隆二十六年 頒發

御製文集 乾隆三十二年 頒發

御製詩初集 乾隆三十二年 頒發

御製詩二集 乾隆三十二年 頒發



周易述義 乾隆三十二年 頒發

春秋直解 乾隆三十二年 頒發

詩經折中 乾隆三十二年 頒發

聖諭廣訓

上諭滿漢書

學政全書 名教罪人錄

學田

學田二頃十二畝每年由縣批解租銀九兩五錢四分其地坐落縣城東南紀家窪

書院

明

龍峯書院在察院京萬歷元年知縣王廷卿創建龍

峯廷卿別號故名廷卿建為諸生居業地歲供以

公田租三百石中又建天語亭瑞麥亭沛縣知縣

倪民望為瑞麥亭頌 見江南通志及舊州志今廢



社學二所一在縣治南東街一在縣治西街並已廢

久嘉靖二十六年知縣王紹元申請重建見萬歷年州志

今廢

**國朝**

安陽書院在縣治東乾隆二十年知縣梅雲程建

其址坐落縣城東南路旁

聖廟二座十二座於今山縣城隍廟以西

聖廟



